

LAERSKOOL LOCHNERHOF
 Sarel Cilliersstraat, Strand / Posbus 124, Strand
 Tel: 021-854 7316 / Faks: 021-853 4711
 E-pos: admin@lochnerhof.co.za
 Webtuiste: www.lochnerhof.co.za
 SMS: LH (gevolg deur boodskap) na 34050



NUUSBRIEF 31 VAN 2012

UIT DIE HOOF SE PEN

ONS DROOM GROOT MET AKSIE!

Waar kom passie vandaan? Een man wat geweet het hoe om met passie te lewe, selfs op 85 jarige ouderdom, was Kaleb. Sy geheim? Drie keer word dit hier gesê: "Ek het die Here my God getrou gevolg" (Joshua 14:8,9,14). Sy lewe het getuig van wat God kan doen deur een wat Hom volkome vertrou.

Dit is steeds die geheim van gelowiges se lewe vandag, om God getrou te volg in wat Hy besig is om te doen. Dit is 'n meesleurende passie wat betekenis gee aan alles wat ons doen. *Wy jou weer vandag met oorgawe toe aan God en laat dit jou lewe weer die betekenis gee wat dit verdien. Dink terug aan kere wat jy geweet het wat die Here van jou verwag en die genade gekry het om dit te doen. Verbind jou weer daaraan, terwyl jy wag op nuwe goed wat Hy op jou pad bring.*

DAGBOEK / SPORT

| | |
|------------------------------|---|
| MAANDAG, 22 OKTOBER | WKOD SISTEMIESE EVALUERING (GR.3 EN GR.6) INDOOR HOKKIE |
| DINSDAG, 23 OKTOBER | BRING HERWINNING SKOOL TOE KRIEKET O/11B VS DE HOOP (WEG) KRIEKET O/13B VS DE HOOP (TUIS) KRIEKET O/11C VS SOMERSET COLLEGE (WEG) KRIEKET O/113C VS SOMERSET COLLEGE (WEG) |
| WOENSDAG, 24 OKTOBER | KRIEKET O/11A VS DE HOOP (TUIS) KRIEKET O/13A VS DE HOOP(WEG) MINI-KRIEKET VS MARVIN PARK (WEG) |
| DONDERDAG, 25 OKTOBER | SPUR FONDSINSAMELINGSAAND TENNISLIGA |
| VRYDAG, 26 OKTOBER | DENIM-EN-TEKKIEDAG (SLEGS GR.1-6 LEERDERS) GR.7-UITSTAPPIE |
| SATERDAG, 27 OKTOBER | VLIEëRDAG BEAUMONT SIXES (WEG) |

GRONDSLAGFASE

Ons graad 3-leerders het vandag hul Sistemiese Evaluering afgelê. Eksterne persone het na die skool gekom om dit te hanteer. Ons wil vir die graad 3-onderwyseresse en leerders baie dankie sê vir al hulle harde werk.

Ons het aan die kinders deurgegee dat hulle net op die rugbyveld met harde balle tydens pouse kan speel. Op die teeroppervlakte kan hul met tennisballe speel. Dankie vir u begrip.

Ware woorde: Die liefde is die instrument wat die teorie van geloof in praktiese daade omskep. Liefde is altyd daadwerklik. - Johan Smit -


Etiket: Vra verskoning as jy laat by 'n plek of sportoefening opdaag.

TOP 12

Baie geluk aan die volgende leerders wat op die Top 12 vir kwartaal 3 is.

Ons is trots op julle mooi prestasie!

| | <u>Graad 4</u> | <u>Graad 5</u> | <u>Graad 6</u> | <u>Graad 7</u> |
|----|-----------------------|-------------------------------|------------------------------------|-------------------------------|
| 1 | ANEL SWART | MARCO PEEK | JENNA BLAKE | BIANKA PRINS |
| 2 | JOHANDRE JONES | WESLEY MCCARTHY | NADENE PRINSLOO | ESTIE JACOBS |
| 3 | JEAN-PIERRE VAN DALEN | FRANCOIS CILLIERS | SASCKYA VILJOEN | BRANDIN SUTHERLAND |
| 4 | ADELLE HAUGHTON | ADRIAAN LAMBRECHTS | JUAN MOSTERT | RUAN CILLIERS |
| 5 | DIAN JACOBS | RUBEN LABUSCHAGNE | OREN RENOSTER | ANELL LÖTTER |
| 6 | QUINN VISSER | KRISTIN MEYER | MATTHEW CORDY | ROXANNE LÖTTER |
| 7 | JOANE BRAND | PAUL-HUGO BARNARD | LAURENCE BRIEDENHANN | CARLA COETZEE CLARISE LERM |
| 8 | PETER-JAN ROSSOUW | DEWALD DE KOKER | WILLEM BRAND | NICOLE BRYANT |
| 9 | MELISSA BOTHA | EBEN DE KLERK WILU WESSELS | DANIE THERON CHRISTIAAN HUISMAN | MONIQUE PRETORIUS |
| 10 | ZANI WILLMOT | LUC COETZEE | CARLI VILJOEN | CHERISE LOUW |
| 11 | TARA KRUGER | ELBE FOUCHE | DC MARITZ | SCHALK BOTHA |
| 12 | LI-MARI GELDENHUYS | PIETER LAMBRECHTS | DANEL LAMBRECHTS | DAWIE JOUBERT |



Vlieërdag - Gr.RR-Gr.3
27 Oktober om 09:00

SPORT

Ons gee graag terugvoer oor ons rugby-, netbal- en hokkieuitslae vir 2012 (alle wedstryde).

RUGBY

ONOORWONNE: 81,1%

VERLOOR: 18,9%

SPANNE ONOORWONNE: o/13A; O/11A, O/10A, O/7A, O/7B en O/7C

NETBAL

ONOORWONNE: 73,4%

VERLOOR: 26,6%

O/11A EN O/12A EINDIG EERSTE IN STRANDSONE

HOKKIE

SEUNS: ONOORWONNE: 73,1%

VERLOOR: 26,9%

DOGTERS: ONOORWONNE: 65,4%

VERLOOR: 34,6%



Volgens bogenoemde statistieke is dit duidelik dat ons nog steeds die toonaangewende skool in die Helderbergkom in sport is. Baie geluk aan al ons spelers en afrigters.

PRESTASIES

Die volgende atlete het saam met 6 ander skole aan 'n landloopkompetisie op die Wynplaas Diemersdal in Durbanville gaan deelneem en soos volg presteer - baie geluk!

O/10 **Divan Kennedy** 1ste plek

O/11 **Kristin Meyer** 2de plek

O/12 **Hein Visagie** 1ste plek

O/13 **Laurence Briedenhann** 3de plek

O/13 **Sasha Liebenberg** 1ste plek

O/13 **JP de Kock** 1ste plek

Lochnerhof het 2de geëindig.



OUMA-EN-OUPADAG

Baie dankie aan al ons Lochieland se ouma's en oupa's wat hierdie spesiale oggend bygewoon het. Daar was ouma's en oupa's wat dit vir die eerste keer bygewoon het en van die ouma's en oupa's wie die geleentheid vir die laaste keer bygewoon het, want hulle kleinkinders gaan volgende jaar hoërskool toe!

Ons het baie mooi terugvoer ontvang en ons noem graag 'n paar:

"Hartlik dank vir die aanbieding van hierdie uitstaande geleentheid! Wat 'n voorreg om dit te kon bywoon, die inisiatief en harde werk van die betrokke opvoeders te beleef en die baie besondere gawes en glimlaggende gesiggies te kon geniet!"

"Wat 'n spesiale oggend."

"Ons geniet dit elke jaar."

Ons sien uit na ons 2013 Ouma-en-Oupadag.

SKOOLGELD 2013

Die skoolgeld en begroting vir 2013 is goedgekeur op 'n algemene ouervergadering Dinsdag, 16 Oktober 2012. Dank aan die ouers teenwoordig.

Die begroting is 'n weldeurdragte begroting wat hoë standaarde in terme van leer en onderrig sal verseker.

GRAAD R en RR

Skoolgeld vir 2013 sal R910 per maand per leerder vir 11 maande beloop. Geen kwytstelling is van toepassing nie. Skoolgeld is maandeliks vooruitbetaalbaar voor of op die 7de van elke maand vanaf Januarie 2013 tot November 2013.

GRAAD 1-7

Skoolgeld vir 2013 sal R910 per maand per leerder vir 11 maande beloop. Skoolgeld is maandeliks vooruitbetaalbaar voor of op die 7de van elke maand vanaf Januarie 2013 tot November 2013.

| INDIEN U DIE VOLLE JAARLIKSE SKOOLGELD BETAAL VOOR/OP | ONTVANG U KORTING VAN | BEDRAG BETAALBAAR |
|--|------------------------------|--------------------------|
| 31 Januarie 2013 | 10% - R1 001-00 | R9 009-00 |
| 28 Februarie 2013 | 7,5% - R750-75 | R9 259-25 |
| 31 Maart 2013 | 5% - R500-50 | R9 509-50 |

1. Die skoolgeld is betaalbaar in ooreenstemming met die goedgekeurde begroting en die bepalinge van artikel 38 en 39(1) van die Suid-Afrikaanse Skolewet.
2. Alle ouers moet skoolgeld betaal, tensy daar vooraf (vanaf 16 Januarie 2013 en nie later as 28 Februarie 2013) by die Beheerliggaam aansoek gedoen is vir volle, gedeeltelike of voorwaardelike kwytstelling van skoolgeld.
3. Die volledige prosedure wat gevolg moet word vir sodanige aansoek is vanaf 16 Januarie 2013 by die skool beskikbaar (mev. Elsa Dreyer, Finansiële Beampte)
4. Hierdie skoolgeld stel die volle kurrikulum beskikbaar vir die volle potensiaal-ontwikkeling van u kind.

Lochie-van-die-Week: Gr.1-3

GR.1A JUSTIN FEYT

GR.1B LISA VAN RENSBURG

GR.1C SCHALK KOTZÉ

GR.1D ANNEKE VAN ZYL

GR.1E AMELIA LEWIES

GR.2A MEGAN TAUTE

GR.2B NADINE COX

GR.2C TRISTAN JANSE VAN RENSBURG

GR.2D ELIZCA VAN WYK

GR.3A MARLI BOTHA

GR.3B MARTIN McCARTHY

GR.3C HANLI HUISMAN

GR.3D CHRIS-MARI DELPORT

Lochie-van-die-Week: Gr.4-7

GR.4 MCKELL WARNER

GR.5 PAUL-HUGO BARNARD

MICHAEL BYLEVELDT

GR.5 PIETER LAMBRECHTS

GR.6 JEANDRI AGENBAG

GR.7 GEEN LOCHIE-VAN-DIE-WEEK



**Wes-Kaapse
Regering**

Onderwys

Kennisgewing van nominasie- en tussenverkiesingsvergadering

Tussenverkiesing van Ouers van Leerders van Laerskool Lochnerhof as Lede van die Skool Beheerliggaam (SBL)

NOMINASIE VAN KANDIDATE: 29 OKTOBER 2012

Kennis geskied hiermee dat 'n vergadering vir die nominasie van kandidate vir die verkiesing van ouers as lede van die beheerliggaam vir bogenoemde skool, op 29 Oktober 2012 om 18:30 by Laerskool Lochnerhof Skoolsaal plaasvind.

BEKENDSTELLING VAN KANDIDATE: 30 OKTOBER 2012

Ouers sal op 30 Oktober 2012 per SMS in kennis gestel word van die genomineerde kandidate waarvoor gestem kan word. Agtergrondinligting en 'n foto van genomineerde kandidate sal per e-pos aangestuur word en sal ook ter insae in die voorportaal beskikbaar wees.

VERKIESING VAN BHL-LEDE: 31 OKTOBER 2012

Die verkiesing vind plaas op 31 Oktober 2012 vanaf 07:00 tot 19:00 by Laerskool Lochnerhof se voorportaal. Slegs ouers wie se name op die kiesersrol verskyn sal toegelaat word om deel te neem aan die verkiesing.

Dit is belangrik om kennis te neem van die feit dat indien 'n kworum nie bereik is nie, die proses herhaal sal word en ons wil dit graag ten alle koste vermy. Wys ons dus asb.. hoeveel u omgee vir u kind en skool deur deel te neem aan die verkiesing.

'n Kandidaat kan ook genomineer word deur 'n nominasievorm, behoorlik voltooi deur die voorsteller, sekondant en kandidaat, nie meer as sewe dae nie, en nie minder as 24 uur, voor die aanvang van bogenoemde vergadering by die kiesbeampte in te dien. Nominasies sal vir hierdie doel vanaf 22 Oktober 2012 tot 26 Oktober 2012 om 13:30 by die skool aanvaar word. Die Kiesbeampte sal ook nominasies by die nominasievergadering op 29 Oktober 2012 aanvaar.

Indien meer kandidate genomineer word as die vier lede wat verkies moet word, sal daar tot stemming oorgegaan word gedurende die bogenoemde tye op 31 Oktober 2012.

(Neem asb. kennis dat die kennisgewing aan leerders op 10 Oktober 2012 uitgedeel is. Bogenoemde is slegs 'n verkorte weergawe.)



BAIE DANKIE aan elke ouer en kind wat bygedra het tot die muntleggingsprojek vir ons Chatburn-gesin. U ondersteuning, liefde en gebede aan hierdie Lochie-gesin word opreg waardeer.